





ოქრონვიმა

Laburnum anagyroides

ლამაზი ფოთოლმცვენი აქვს ღია მწვანე ფერის, რთული, სამმაგად დანაკეთული ფოთლები და გრძელ ჩამოკიდებულ მტევან ყვავილედად შეკრებილი ყვითელი ყვავილები.

5-7 მ-მდე სიმაღლის ფოთოლმცვენი ხე ან ბუჩქია დაკიდებული ტოტებით. ღერო დაფარულია თხელი, მუქი მონაცრისფრო ქერქით. გავრცელებულია სამხრეთ ევროპაში. ფოთლები სამყურაა, 60-80 სმ სიგრძის, ყუნწიანი, მოგრძო ელიფსური ფორმის. ფოთოლაკები მოკლეყუნწიანია, ზედა მხრიდან შიშველი, ქვევიდან კი ნორჩობაში თეთრბუსუსიანი.

ყვავილები ღია ყვითელია, დაკიდულ მტევნისებრ ყვავილელებში შეკრებილი. ყვავილენი 20-30 სმ სიგრძისაა. ბუჩქი უხვად ყვავილობს აპრილ-ივნისში. ნაყოფი პარკია, ხაზურა, 50-80 მმ სიგრძის, მრავალთესლიანი. თესლები წვრილია, შავი ფერის. მრავლდება თესლით, ძირკვის ამონაყარით, კალმებით.

სინათლისმოყვარულია. კარგად ვითარდება ზომიერად ნოყიერ, კირის შემცველ, კარგად დრენირებულ ნიადაგებზე. ცუდად იტანს მკვრივ, მძიმე ნიადაგს და გრუნტის წყლების ზედაპირულ მდებარეობას. თბილისის პირობებში ყინვებითა და გვალვებით არ ზიანდება.

ქალაქების მწვანე მშენებლობაში ხშირად იყენებენ როგორც ხანგრძლივად, ლამაზად მოყვავილე ბუჩქს. ეფექტურად გამოიყურება გაზონზე სოლიტერად, ასევე მეჩხერ ჯგუფად მუქფოთლიანი მცენარეების ფონზე, ტყის პირებსა და ფერდობებზე, თავისუფლად მოზარდ ცოცხალ ღობეებში. ბაღში მისი დარგვის შემთხვევაში გათვალისწინებულ უნდა იქნას, რომ მისი ყველა ნაწილი შხამიანია.

მარიამ ჩიტაიშვილი